

ऋषिः कुत्सः आङ्गिरसः

छन्दः त्रिष्टुप्

देवता अग्निः औषसः अग्निः वा

द्वे विरूपे चरतः स्वर्थे अन्यान्या वृत्समुप धापयेते	
हरिरन्यस्यां भवति स्वधावाञ्छुक्रो अन्यस्यां ददृशे सुवर्चाः	॥ 1 ॥
दशेमं त्वष्टुर्जनयन्तु गर्भमर्तन्द्रासो युवतयो विभृत्रम्	
तिग्मानीकं स्वयंशसं जनेषु विरोचमानं परि षीं नयन्ति	॥ 2 ॥
त्रीणि जाना परि भूषन्त्यस्य समुद्र एकं दिव्येकमुप्सु	
पूर्वामनु प्र दिशं पार्थिवानामृतून्प्रशासद्वि दधावनुष्टु	॥ 3 ॥
क इमं वो निण्यमा चिकेत वृत्सो मातृर्जनयत स्वधाभिः	
ब्रह्मीनां गर्भो अपसामुपस्थान्महान्कविर्निश्चरति स्वधावान्	॥ 4 ॥
आविष्टयो वर्धते चारुरासु जिह्वानामूर्ध्वः स्वयंशा उपस्थे	
उभे त्वष्टुर्बिभ्यतुर्जायमानात्प्रतीची सिंहं प्रति जोषयेते	॥ 5 ॥
उभे भद्रे जोषयेते न मेने गावो न वाश्रा उप तस्थुरेवैः	
स दक्षाणां दक्षपतिर्बभूवाञ्जन्ति यं दक्षिणतो हविर्भिः	॥ 6 ॥
उद्यंयमीति सवितेव ब्राहू उभे सिचौ यतते भीम ऋञ्जन्	
उच्छुक्रमत्कमजते सिमस्मान्नावा मातृभ्यो वसना जहाति	॥ 7 ॥
त्वेषं रूपं कृणुत उत्तरं यत्संपृञ्चानः सदेने गोभिरद्भिः	
कविर्बुध्नं परि मर्मज्यते धीः सा देवताता समितिर्बभूव	॥ 8 ॥
उरु ते ज्रयः पर्येति बुध्नं विरोचमानं महिषस्य धामं	
विश्वेभिरग्रे स्वयंशोभिरिद्धोऽदब्धेभिः पायुभिः पाह्यस्मान्	॥ 9 ॥
धन्वन्त्स्रोतः कृणुते गातुमूर्मिं शुक्रैरूर्मिभिरभि नक्षति क्षाम्	
विश्वानि सनानि जठरेषु धत्तेऽन्तर्नवासु चरति प्रसूषु	॥ 10 ॥
एवा नो अग्रे समिधा वृधानो रेवत्पावक श्रवसे वि भाहि	
तन्नो मित्रो वरुणो मामहन्तामदितिः सिन्धुः पृथिवी उत द्यौः	॥ 11 ॥

ऋषिः कुत्सः आङ्गिरसः

छन्दः त्रिष्टुप्

देवता द्रविणोदाः शुद्धः वा अग्निः

स प्रलथा सहसा जायमानः सद्यः काव्यानि बळधत्त विश्वा	
आपश्च मित्रं धिषणां च साधन्देवा अग्निं धारयन्द्रविणोदाम्	॥ 1 ॥
स पूर्वया निविदा कव्यतायोरिमाः प्रजा अजनयन्मनूनाम्	
विवस्वता चक्षसा द्यामपश्च देवा अग्निं धारयन्द्रविणोदाम्	॥ 2 ॥
तमीळत प्रथमं यज्ञसाधुं विश्वा आरीराहुतमृञ्जसानम्	
ऊर्जः पुत्रं भरतं सृप्रदानुं देवा अग्निं धारयन्द्रविणोदाम्	॥ 3 ॥

स मातरिश्वा पुरुवारपुष्टिर्विदद्वातुं तनयाय स्वर्वित्	
विशां गोपा जनिता रोदस्योर्देवा अग्निं धारयन्द्रविणोदाम्	॥ 4 ॥
नक्तोषासा वर्णमामेम्याने धापयेते शिशुमेकं समीची	
द्यावाक्षामा रुक्मो अन्तर्वि भाति देवा अग्निं धारयन्द्रविणोदाम्	॥ 5 ॥
रायो बुध्नः संगमनो वसूनां यज्ञस्य केतुर्मन्सार्धनो वेः	
अमृतत्वं रक्षमाणास एनं देवा अग्निं धारयन्द्रविणोदाम्	॥ 6 ॥
नू च पुरा च सदनं रयीणां जातस्य च जायमानस्य च क्षाम्	
सतश्च गोपां भवतश्च भूरैर्देवा अग्निं धारयन्द्रविणोदाम्	॥ 7 ॥
द्रविणोदा द्रविणसस्तुरस्य द्रविणोदाः सनरस्य प्र यंसत्	
द्रविणोदा वीरवतीमिषं नो द्रविणोदा रासते दीर्घमायुः	॥ 8 ॥
एवा नो अग्रे समिधा वृधानो रेवत्पावक श्रवसे वि भाहि	
तन्नो मित्रो वरुणो मामहन्तामदितिः सिन्धुः पृथिवी उत द्यौः	॥ 9 ॥

(8)

97

(म.1, अनु.15)

ऋषिः कुत्सः आङ्गिरसः	छन्दः गायत्री	देवता शुचिः शुद्धः वा अग्निः
----------------------	---------------	------------------------------

अपं नः शोशुचदुघमग्रै शुशुग्ध्या रयिम्		अपं नः शोशुचदुघम्	॥ 1 ॥
सुक्षेत्रिया सुगातुया वसूया च यजामहे		अपं नः शोशुचदुघम्	॥ 2 ॥
प्र यद्भन्दिष्ठ एषां प्रास्माकासश्च सूरयः		अपं नः शोशुचदुघम्	॥ 3 ॥
प्र यत्तै अग्रे सूरयो जायेमहि प्र ते वयम्		अपं नः शोशुचदुघम्	॥ 4 ॥
प्र यदग्रेः सहस्वतो विश्वतो यन्ति भानवः		अपं नः शोशुचदुघम्	॥ 5 ॥
त्वं हि विश्वतोमुख विश्वतः परिभूरसि		अपं नः शोशुचदुघम्	॥ 6 ॥
द्विषो नो विश्वतोमुखाति नावेव पारय		अपं नः शोशुचदुघम्	॥ 7 ॥
स नः सिन्धुमिव नावयाति पर्षा स्वस्तये		अपं नः शोशुचदुघम्	॥ 8 ॥

(3)

98

(म.1, अनु.15)

ऋषिः कुत्सः आङ्गिरसः	छन्दः त्रिष्टुप्	देवता वैश्वानरः अग्निः
----------------------	------------------	------------------------

वैश्वानरस्य सुमतौ स्याम् राजा हि कं भुवनानामभिश्रीः	
इतो जातो विश्वमिदं वि चष्टे वैश्वानरो यतते सूर्येण	॥ 1 ॥
पृष्टो द्विवि पृष्टो अग्निः पृथिव्यां पृष्टो विश्वा ओषधीरा विवेश	
वैश्वानरः सहसा पृष्टो अग्निः स नो दिवा स रिषः पातु नक्तम्	॥ 2 ॥
वैश्वानर तव तत्सत्यमस्त्वस्मान्नायो मघवानः सचन्ताम्	
तन्नो मित्रो वरुणो मामहन्तामदितिः सिन्धुः पृथिवी उत द्यौः	॥ 3 ॥

(1)

99

(म.1, अनु.15)

ऋषिः कश्यपः मारीचः

छन्दः त्रिष्टुप्

देवता जातवेदाः शुद्धः वा अग्निः

जातवेदसे सुनवाम् सोममरातीयतो नि दहाति वेदः |
 स नः पर्षदति दुर्गाणि विश्वा नावेव सिन्धुं दुरितात्यग्निः || 1 ||

(19)

100

(म.1, अनु.15)

ऋषिः ऋज्राश्व-अम्बरीष-सहदेव-भयमान-सुराधसः वार्षागिराः

छन्दः त्रिष्टुप्

देवता इन्द्रः

स यो वृषा वृष्यैभिः समौका महो दिवः पृथिव्याश्च सम्राट् |
 सतीनसत्वा हव्यो भरैषु मरुत्वान्नो भवत्विन्द्र ऊती || 1 ||
 यस्यानाप्तः सूर्यस्येव यामो भरैभरे वृत्रहा शुष्मो अस्ति |
 वर्षन्तमः सखिभिः स्वेभिरेवैर्मरुत्वान्नो भवत्विन्द्र ऊती || 2 ||
 दिवो न यस्य रेतसो दुर्घानाः पन्थासो यन्ति शवसापरीताः |
 त्रद्वेषाः सासहिः पौंस्यैभिर्मरुत्वान्नो भवत्विन्द्र ऊती || 3 ||
 सो अङ्गिरोभिरङ्गिरस्तमो भूद्वेषा वृषभिः सखिभिः सखा सन् |
 ऋग्मिभिर्ऋग्मी गातुभिर्ज्येष्ठो मरुत्वान्नो भवत्विन्द्र ऊती || 4 ||
 स सूनुभिर्न रुद्रेभिर्ऋभ्वा नृषाह्ये सासह्यं अमित्रान् |
 सनीळेभिः श्रवस्यानि तूर्वन्मरुत्वान्नो भवत्विन्द्र ऊती || 5 ||
 स मन्युमीः समर्दनस्य कर्तास्माकेभिर्नृभिः सूर्यं सनत् |
 अस्मिन्नहन्तसर्पतिः पुरुहूतो मरुत्वान्नो भवत्विन्द्र ऊती || 6 ||
 तमूतयो रणयञ्छूरसातौ तं क्षेमस्य क्षितयः कृण्वत् त्राम् |
 स विश्वस्य करुणस्येश एको मरुत्वान्नो भवत्विन्द्र ऊती || 7 ||
 तमप्सन्त शवस उत्सवेषु नरो नरमवसे तं धनाय |
 सो अन्धे चित्तमसि ज्योतिर्विदन्मरुत्वान्नो भवत्विन्द्र ऊती || 8 ||
 स सव्येन यमति ब्राधतश्चित्स दक्षिणे संगृभीता कृतानि |
 स कीरिणा चित्सनिता धनानि मरुत्वान्नो भवत्विन्द्र ऊती || 9 ||
 स ग्रामैभिः सनिता स रथैर्भिर्विदे विश्वाभिः कृष्टिभिर्नृशद्य |
 स पौंस्यैभिरभिभूरशस्तीर्मरुत्वान्नो भवत्विन्द्र ऊती || 10 ||
 स जामिभिर्यत्समजाति मीळहेऽजामिभिर्वा पुरुहूत एवैः |
 अपां तोकस्य तनयस्य जेषे मरुत्वान्नो भवत्विन्द्र ऊती || 11 ||
 स वज्रभृदस्युहा भीम उग्रः सहस्रचेताः शतनीथ ऋभ्वा |
 चम्रीषो न शवसा पाञ्चजन्यो मरुत्वान्नो भवत्विन्द्र ऊती || 12 ||
 तस्य वज्रः क्रन्दति स्मत्स्वर्षा दिवो न त्वेषो र्वथुः शिमीवान् |

तं सचन्ते सनयुस्तं धनानि मरुत्वात्रो भवत्विन्द्र ऊती	॥ 13 ॥
यस्याजस्रं शवसा मानमुक्थं परिभुजद्रोदसी विश्वतः सीम्	
स पारिषत्क्रतुभिर्मन्दसानो मरुत्वात्रो भवत्विन्द्र ऊती	॥ 14 ॥
न यस्य देवा देवता न मर्ता आपश्चन शवसो अन्तमापुः	
स प्ररिक्वा त्वक्षसा क्षमो दिवश्च मरुत्वात्रो भवत्विन्द्र ऊती	॥ 15 ॥
रोहिच्छ्यावा सुमदंशुर्लामीर्द्युक्षा राये ऋज्राश्वस्य	
वृषण्वन्तं बिभ्रती धूर्षु रथं मन्द्रा चिकेत नाहुषीषु विक्षु	॥ 16 ॥
एतत्यत्त इन्द्र वृष्णा उक्थं वार्षागिरा अभि गृणन्ति राधः	
ऋज्राश्वः प्रष्टिभिरम्बरीषः सहदेवो भयमानः सुरार्धाः	॥ 17 ॥
दस्युञ्छिम्यँश्च पुरुहूत एवैर्हत्वा पृथिव्यां शर्वा नि बर्हीत्	
सनत्क्षेत्रं सखिभिः श्वित्येभिः सन्त्सूर्यं सनदुपः सुवज्रः	॥ 18 ॥
विश्वाहेन्द्रो अधिवक्ता नो अस्त्वपरिहृताः सनुयाम् वाजम्	
तन्नो मित्रो वरुणो मामहन्तामदितिः सिन्धुः पृथिवी उत द्यौः	॥ 19 ॥

(11)

101

(म.1, अनु.15)

ऋषिः कुत्सः आङ्गिरसः

छन्दः जगती 1-7 त्रिष्टुप् 8-11

देवता इन्द्रः

प्र मुन्दिने पितुमदर्चता वचो यः कृष्णगर्भा निरहं नृजिश्चना	
अवस्यवो वृषणं वज्रदक्षिणं मरुत्वंतं सख्याय हवामहे	॥ 1 ॥
यो व्यंसं जाहृषाणेन मन्युना यः शम्बरं यो अहन्पिप्रुमव्रतम्	
इन्द्रो यः शुष्णामशुषुं न्यावृणङ्गुरुत्वंतं सख्याय हवामहे	॥ 2 ॥
यस्य द्यावापृथिवी पौंस्यं महद्यस्य व्रते वरुणो यस्य सूर्यः	
यस्येन्द्रस्य सिन्धवः सञ्चति व्रतं मरुत्वंतं सख्याय हवामहे	॥ 3 ॥
यो अश्वानां यो गवां गोपतिर्वशी य आरितः कर्मणिकर्मणि स्थिरः	
वीळोश्चिदिन्द्रो यो असुन्वतो वधो मरुत्वंतं सख्याय हवामहे	॥ 4 ॥
यो विश्वस्य जगतः प्राणतस्पतियो ब्रह्मणे प्रथमो गा अविन्दत्	
इन्द्रो यो दस्यूरधरां अवातिरन्मरुत्वंतं सख्याय हवामहे	॥ 5 ॥
यः शूरैर्भिर्हव्यो यश्च भीरुभिर्यो धार्वद्भिर्हूयते यश्च जिग्युभिः	
इन्द्रं यं विश्वा भुवनाभि संदधुर्मरुत्वंतं सख्याय हवामहे	॥ 6 ॥
रुद्रणामेति प्रदिशा विचक्षणो रुद्रेभिर्योषां तनुते पृथु ज्रयः	
इन्द्रं मनीषा अभ्यर्चति श्रुतं मरुत्वंतं सख्याय हवामहे	॥ 7 ॥
यद्वा मरुत्वः परमे सुधस्थे यद्वावमे वृजनै मादयासे	
अत आ याह्यध्वरं नो अच्छा त्वाया हविश्चकृमा सत्यराधः	॥ 8 ॥

त्वायेन्द्र सोमं सुषुमा सुदक्ष त्वाया हविश्चकृमा ब्रह्मवाहः ।
 अर्धा नियुत्वः सर्गणो मरुद्भिर्स्मिन्यज्ञे बर्हिषि मादयस्व ॥ 9 ॥
 मादयस्व हरिभिर्ये तं इन्द्र वि ष्यस्व शिप्रे वि सृजस्व धेने ।
 आ त्वा सुशिप्र हरयो वहन्तूशन्हुव्यानि प्रति नो जुषस्व ॥ 10 ॥
 मरुत्स्तोत्रस्य वृजनस्य गोपा व्यमिन्द्रेण सनुयाम् वाजम् ।
 तन्नो मित्रो वरुणो मामहन्तामदितिः सिन्धुः पृथिवी उत द्यौः ॥ 11 ॥

(11)

102

(म.1, अनु.15)

ऋषिः कुत्सः आङ्गिरसः

छन्दः जगती 1-10 त्रिष्टुप् 11

देवता इन्द्रः

इमां ते धियं प्र भरे महो महीमस्य स्तोत्रे धिषणा यत्त आनजे ।
 तर्मुत्सवे च प्रसवे च सासहिमिन्द्रं देवासुः शर्वसामदन्नं ॥ 1 ॥
 अस्य श्रवो नद्यः सप्त बिभ्रति द्यावाक्षामा पृथिवी दर्शतं वपुः ।
 अस्मे सूर्याचन्द्रमसाभिचक्षे श्रद्धे कर्मिन्द्र चरतो वितर्तुरम् ॥ 2 ॥
 तं स्मा रथं मघवन्प्राव सातये जैत्रं यं तं अनुमदाम संगमे ।
 आजान इन्द्र मनसा पुरुष्टुत त्वायद्ध्यो मघवञ्छर्म यच्छ नः ॥ 3 ॥
 व्यं जयेम त्वया युजा वृत्तमस्माकमंशमुदवा भरेभरे ।
 अस्मभ्यमिन्द्र वरिवः सुगं कृधि प्र शत्रूणां मघवन्वृष्या रुज ॥ 4 ॥
 नाना हि त्वा हवमाना जना इमे धनानां धर्तारवसा विपन्यवः ।
 अस्माकं स्मा रथमा तिष्ठ सातये जैत्रं हीन्द्र निभृतं मनस्तव ॥ 5 ॥
 गोजिता बाहू अमितक्रतुः सिमः कर्मन्कर्मञ्छतमूतिः खजंकरः ।
 अकल्प इन्द्रः प्रतिमानमोजसाथा जना वि ह्वयन्ते सिषासवः ॥ 6 ॥
 उत्ते शतान्मघवन्नञ्च भूर्यसु उत्सहस्राद्रिरिचे कृष्टिषु श्रवः ।
 अमात्रं त्वा धिषणा तित्विषे मृह्यधा वृत्राणि जिघ्रसे पुरंदर ॥ 7 ॥
 त्रिविष्टिधातु प्रतिमानमोजसस्त्रिस्तो भूमिर्नृपते त्रीणि रोचना ।
 अतीदं विश्वं भुवनं ववक्षिथाशत्रुरिन्द्र जनुषा सनादसि ॥ 8 ॥
 त्वां देवेषु प्रथमं हवामहे त्वं बभूथ पृतनासु सासहिः ।
 सेमं नः कारुमुपमन्युमुद्भिदमिन्द्रः कृणोतु प्रसवे रथं पुरः ॥ 9 ॥
 त्वं जिगेथ न धना रुरोधिताभेष्वजा मघवन्महत्सु च ।
 त्वामुग्रमवसे सं शिशीमस्यथा न इन्द्र हवनेषु चोदय ॥ 10 ॥
 विश्वाहेन्द्रो अधिवक्ता नो अस्त्वपरिहृताः सनुयाम् वाजम् ।
 तन्नो मित्रो वरुणो मामहन्तामदितिः सिन्धुः पृथिवी उत द्यौः ॥ 11 ॥

ऋषिः कुत्सः आङ्गिरसः

छन्दः त्रिष्टुप्

देवता इन्द्रः

तत्तं इन्द्रियं परमं पराचैरधारयन्त कवयः पुरेदम्	
क्षमेदमन्यद्विव्यं न्यदस्य समीं पृच्यते समनेव केतुः	1
स धारयत्पृथिवीं प्रथञ्च वज्रेण हत्वा निरुपः संसर्ज	
अहन्नहिमभिनद्रौहिणं व्यहन्यंसं मघवा शचीभिः	2
स जातूर्भर्मा श्रद्धधान् ओजः पुरो विभिन्दन्नचरद्वि दासीः	
विद्वान्वज्रिन्दस्यवे हेतिमस्यार्यं सहो वर्धया द्युम्रमिन्द्र	3
तदूचुषे मानुषेमा युगानि कीर्तेन्यं मघवा नाम् बिभ्रत्	
उपप्रयन्दस्युहत्याय वज्री यद्ध सूनुः श्रवसे नाम् दुधे	4
तदस्येदं पश्यता भूरिं पुष्टं श्रदिन्द्रस्य धत्तन वीर्याय	
स गा अविन्दुत्सो अविन्दुदश्वान्त्स ओषधीः सो अपः स वनानि	5
भूरिकर्मणे वृषभाय वृष्णे सत्यशुष्माय सुनवाम् सोमम्	
य आदृत्या परिपन्थीव शूरोऽयज्वनो विभज्जनेति वेदः	6
तदिन्द्र प्रेव वीर्यं चकर्त्त यत्ससन्तं वज्रेणाबोधयोऽहिम्	
अनु त्वा पत्नीर्हृषितं वयश्च विश्वे देवासो अमदन्ननु त्वा	7
शुष्णं पिपुं कुयवं वृत्रमिन्द्र यदावधीर्वि पुरः शम्बरस्य	
तन्नो मित्रो वरुणो मामहन्तामदितिः सिन्धुः पृथिवी उत द्यौः	8

ऋषिः कुत्सः आङ्गिरसः

छन्दः त्रिष्टुप्

देवता इन्द्रः

योनिष्ट इन्द्र निषदे अकारि तमा नि षीद स्वानो नार्वा	
विमुच्या वयोऽवसायाश्चान्दोषा वस्तोर्वहीयसः प्रपित्वे	1
ओ त्ये नर इन्द्रमूतये गुनू चित्तान्तसृद्यो अध्वनो जगम्यात्	
देवासो मन्युं दासस्य श्रमन्ते न आ वक्षन्त्सुविताय वर्णम्	2
अव त्मना भरते केतवेदा अव त्मना भरते फेनमुदन्	
क्षीरेण स्नातः कुयवस्य योषे हते ते स्यातां प्रवृणे शिफायाः	3
युयोप नाभिरुपरस्यायोः प्र पूर्वाभिस्तिरते राष्ट्रि शूरः	
अञ्जसी कुलिशी वीरपत्नी पयो हिन्वाना उदभिर्भरन्ते	4
प्रति यत्स्या नीथार्दिशि दस्योरोको नाच्छा सदनं जानती गात्	
अध स्मा नो मघवञ्चकृतादिन्मा नो मघेव निष्पी परा दाः	5
स त्वं न इन्द्र सूर्ये सो अप्स्वनागास्त्व आ भज जीवशंसे	
मान्तरां भुज्मा रीरिषो नः श्रद्धितं ते महत इन्द्रियाय	6

अधा मन्ये श्रुते अस्मा अधायि वृषा चोदस्व महते धनाय	
मा नो अकृते पुरुहूत योनाविन्द्र क्षुध्यद्भ्यो वय आसुतिं दाः	॥ 7 ॥
मा नो वधीरिन्द्र मा परा दा मा नः प्रिया भोजनानि प्र मोषीः	
आण्डा मा नो मघवञ्छक्र निर्भेन्मा नः पात्रा भेत्सहजानुषाणि	॥ 8 ॥
अर्वाडेहि सोमकामं त्वाहुरयं सुतस्तस्य पिबा मदाय	
उरुव्यचा जठर आ वृषस्व पितेव नः शृणुहि ह्यमानः	॥ 9 ॥

(19)

105

(म.1, अनु.15)

ऋषिः त्रितः आस्यः, कुत्सः वा छन्दः पङ्क्तिः 1-7,9-18, महाबृहती 8, त्रिष्टुप् 19 देवता विश्वे देवाः
--

चन्द्रमा अप्स्वन्तरा सुपर्णो धावते दिवि	
न वो हिरण्यनेमयः पदं विन्दन्ति विद्युतो वित्तं मे अस्य रोदसी	॥ 1 ॥
अर्थमिद्धा उ अर्थिन् आ जाया युवते पतिम्	
तुञ्जाते वृष्यं पर्यः परिदाय रसं दुहे वित्तं मे अस्य रोदसी	॥ 2 ॥
मो षु देवा अदः स्वश्रव पादि दिवस्परि	
मा सोम्यस्य शंभुवः शूनं भूम कदा चन वित्तं मे अस्य रोदसी	॥ 3 ॥
यज्ञं पृच्छाम्यवमं स तद्दुतो वि वोचति ।	
क्व ऋतं पूर्वं गतं कस्तद्विभति नूतनो वित्तं मे अस्य रोदसी	॥ 4 ॥
अमी ये देवाः स्थन त्रिष्वा रोचने दिवः ।	
कद्व ऋतं कदनृतं क्व प्रत्वा व आहुतिर्वित्तं मे अस्य रोदसी	॥ 5 ॥
कद्व ऋतस्य धर्णासि कद्वरुणस्य चक्षणम्	
कद्वर्यम्णो महस्पृथार्ति क्रामेम दूढ्यो वित्तं मे अस्य रोदसी	॥ 6 ॥
अहं सो अस्मि यः पुरा सुते वदामि कानि चित्	
तं मा व्यन्त्याध्योर् वृको न तृष्णजं मृगं वित्तं मे अस्य रोदसी	॥ 7 ॥
सं मा तपन्त्यभितः सपत्नीरिव पर्शवः ।	
मूषो न शिश्रा व्यदन्ति माध्यः स्तोतारं ते शतक्रतो वित्तं मे अस्य रोदसी	॥ 8 ॥
अमी ये सप्त रश्मयस्तत्रा मे नाभिरातता	
त्रितस्तद्वेदास्यः स जामित्वायं रेभति वित्तं मे अस्य रोदसी	॥ 9 ॥
अमी ये पञ्चोक्षणो मध्ये तस्थुर्महो दिवः ।	
देवत्रा नु प्रवाच्यं सधीचीना नि वावृतुर्वित्तं मे अस्य रोदसी	॥ 10 ॥
सुपर्णा एत आसते मध्यं आरोधने दिवः	
ते सैधन्ति पथो वृकं तरन्तं युह्वतीरपो वित्तं मे अस्य रोदसी	॥ 11 ॥
नव्यं तदुक्थ्यं हितं देवासः सुप्रवाचनम्	
ऋतमर्षन्ति सिन्धवः सत्यं तातान् सूर्यो वित्तं मे अस्य रोदसी	॥ 12 ॥

अग्ने तव त्यदुक्थ्यं देवेष्वस्त्याप्यम्	
स नः सत्तो मनुष्वदा देवान्यक्षि विदुष्टरो वित्तं मे अस्य रौदसी	॥ 13 ॥
सत्तो होता मनुष्वदा देवाँ अच्छाँ विदुष्टरः	
अग्निर्हव्या सुषूदति देवो देवेषु मेधिरो वित्तं मे अस्य रौदसी	॥ 14 ॥
ब्रह्मा कृणोति वरुणो गातुविदं तमीमहे	
व्यूर्णोति हृदा मतिं नव्यो जायतामृतं वित्तं मे अस्य रौदसी	॥ 15 ॥
असौ यः पन्था आदित्यो दिवि प्रवाच्यं कृतः	
न स देवा अतिक्रमे तं मर्तासो न पश्यथ वित्तं मे अस्य रौदसी	॥ 16 ॥
त्रितः कूपेऽवहितो देवान्हवत ऊतये	
तच्छुश्राव बृहस्पतिः कृण्वन्नहूरणादुरु वित्तं मे अस्य रौदसी	॥ 17 ॥
अरुणो मा सकृद्वकः पथा यन्तं ददर्श हि	
उज्जिहीते निचाय्या तष्टैव पृष्ट्यामयी वित्तं मे अस्य रौदसी	॥ 18 ॥
एनाङ्गूषेण व्यमिन्द्रवन्तोऽभि ध्याम वृजने सर्वावीराः	
तन्नो मित्रो वरुणो मामहन्तामदितिः सिन्धुः पृथिवी उत द्यौः	॥ 19 ॥

(7)

106

(म.1, अनु.16)

ऋषिः कुत्सः आङ्गिरसः	छन्दः जगती 1-6, त्रिष्टुप् 7	देवता विश्वे देवाः
----------------------	------------------------------	--------------------

इन्द्रं मित्रं वरुणमग्निमृतये मारुतं शर्धो अदितिं हवामहे	
रथं न दुर्गाद्वसवः सुदानवो विश्वस्मान्नो अंहसो निषिपर्तन	॥ 1 ॥
त आदित्या आ गता सर्वतातये भूत देवा वृत्रतूर्येषु शंभुवः	
रथं न दुर्गाद्वसवः सुदानवो विश्वस्मान्नो अंहसो निषिपर्तन	॥ 2 ॥
अवन्तु नः पितरः सुप्रवाचना उत देवी देवपुत्रे ऋतावृधा	
रथं न दुर्गाद्वसवः सुदानवो विश्वस्मान्नो अंहसो निषिपर्तन	॥ 3 ॥
नराशंसं वाजिनं वाजर्यन्निह क्षयद्वीरं पूषणं सुप्रेरीमहे	
रथं न दुर्गाद्वसवः सुदानवो विश्वस्मान्नो अंहसो निषिपर्तन	॥ 4 ॥
बृहस्पते सदमिन्नः सुगं कृधि शं योर्यत्ते मनुर्हितं तदीमहे	
रथं न दुर्गाद्वसवः सुदानवो विश्वस्मान्नो अंहसो निषिपर्तन	॥ 5 ॥
इन्द्रं कुत्सो वृत्रहणं शचीपतिं काटे निबाळ्ह ऋषिरह्वदूतये	
रथं न दुर्गाद्वसवः सुदानवो विश्वस्मान्नो अंहसो निषिपर्तन	॥ 6 ॥
देवैर्नो देव्यदितिर्नि पातु देवस्त्राता त्रायतामप्रयुच्छन्	
तन्नो मित्रो वरुणो मामहन्तामदितिः सिन्धुः पृथिवी उत द्यौः	॥ 7 ॥

(3)

107

(म.1, अनु.16)

ऋषिः कुत्सः आङ्गिरसः

छन्दः त्रिष्टुप्

देवता विश्वे देवाः

यज्ञो देवानां प्रत्येति सुम्रमादित्यासो भवता मृळयन्तः |
 आ वोऽर्वाचीं सुमृतिर्वृत्यादुंहोश्चिद्या वरिवोवित्तरासत् || 1 ||
 उप नो देवा अवसा गमन्त्वङ्गिरसां सामभिः स्तुयमानाः |
 इन्द्र इन्द्रियैर्मरुतो मरुद्भिरादित्यैर्नो अदितिः शर्म यंसत् || 2 ||
 तन्न इन्द्रस्तद्वरुणस्तदग्निस्तदर्यमा तत्सविता चनो धात् |
 तन्नो मित्रो वरुणो मामहन्तामदितिः सिन्धुः पृथिवी उत द्यौः || 3 ||

(13)

108

(म.1, अनु.16)

ऋषिः कुत्सः आङ्गिरसः

छन्दः त्रिष्टुप्

देवता इन्द्राग्नी

य इन्द्राग्नी चित्रतमो रथो वामभि विश्वानि भुवनानि चष्टे |
 तेना यातं सुरथं तस्थिवांसाथा सोमस्य पिबतं सुतस्य || 1 ||
 यावदिदं भुवनं विश्वमस्त्युरुव्यचा वरिमता गभीरम् |
 तावाँ अयं पातवे सोमो अस्त्वरमिन्द्राग्नी मनसे युवभ्याम् || 2 ||
 चक्राथे हि सृध्यश्ङ्गाम भद्रं संधीचीना वृत्रहणा उत स्थः |
 तारिन्द्राग्नी सृध्यञ्चा निषद्या वृष्णः सोमस्य वृष्णा वृषेथाम् || 3 ||
 समिद्धेष्वग्निष्वानजाना यतस्रुचा बर्हिरु तिस्तिराणा |
 तीव्रैः सोमैः परिषिक्तेभिरर्वागेन्द्राग्नी सौमनसाय यातम् || 4 ||
 यानीन्द्राग्नी चक्रथुर्वीर्याणि यानि रूपाण्युत वृष्ण्यानि |
 या वाँ प्रत्नानि सृख्या शिवानि तेभिः सोमस्य पिबतं सुतस्य || 5 ||
 यदब्रवं प्रथमं वा वृणानोऽयं सोमो असुरैर्नो विहव्यः |
 तां सत्यां श्रद्धामभ्या हि यातमथा सोमस्य पिबतं सुतस्य || 6 ||
 यदिन्द्राग्नी मदथः स्वे दुरोणे यद्वह्मणि राजनि वा यजत्रा |
 अतः परि वृष्णावा हि यातमथा सोमस्य पिबतं सुतस्य || 7 ||
 यदिन्द्राग्नी यदुषु तुर्वशेषु यदद्बहुष्वनुषु पूरुषु स्थः |
 अतः परि वृष्णावा हि यातमथा सोमस्य पिबतं सुतस्य || 8 ||
 यदिन्द्राग्नी अवमस्यां पृथिव्यां मध्यमस्यां परमस्यामुत स्थः |
 अतः परि वृष्णावा हि यातमथा सोमस्य पिबतं सुतस्य || 9 ||
 यदिन्द्राग्नी परमस्यां पृथिव्यां मध्यमस्यामवमस्यामुत स्थः |
 अतः परि वृष्णावा हि यातमथा सोमस्य पिबतं सुतस्य || 10 ||
 यदिन्द्राग्नी दिवि षो यत्पृथिव्यां यत्पर्वतेष्वोषधीष्वप्सु |
 अतः परि वृष्णावा हि यातमथा सोमस्य पिबतं सुतस्य || 11 ||

यदिन्द्राग्नी उदिता सूर्यस्य मध्ये दिवः स्वधया मादयेथे |
 अतः परि वृषणावा हि यातमथा सोमस्य पिबतं सुतस्य || 12 ||
 एवेन्द्राग्नी पपिवांसा सुतस्य विश्वास्मभ्यं सं जयतं धनानि |
 तन्नो मित्रो वरुणो मामहन्तामदितिः सिन्धुः पृथिवी उत द्यौः || 13 ||

(8)

109

(म.1, अनु.16)

ऋषिः कुत्सः आङ्गिरसः

छन्दः त्रिष्टुप्

देवता इन्द्राग्नी

वि ह्यख्यं मनसा वस्य इच्छन्निन्द्राग्नी ज्ञास उत वा सजातान् |
 नान्या युवत्प्रमतिरस्ति मह्यं स वां धियं वाजयन्तीमतक्षम् || 1 ||
 अश्रवं हि भूरिदावत्तरा वां विजामातुरुत वा घा स्यालात् |
 अथा सोमस्य प्रयती युवभ्यामिन्द्राग्नी स्तोमं जनयामि नव्यम् || 2 ||
 मा च्छेद्य रश्मौरिति नार्धमानाः पितृणां शक्तीरनुयच्छमानाः |
 इन्द्राग्निभ्यां कं वृषणो मदन्ति ता ह्यद्रीं धिषणाया उपस्थे || 3 ||
 युवाभ्यां देवी धिषणा मदायेन्द्राग्नी सोममुशती सुनोति |
 तार्वश्विना भद्रहस्ता सुपाणी आ धावतं मधुना पृङ्गमप्सु || 4 ||
 युवामिन्द्राग्नी वसुनो विभागे त्वस्तमा शुश्रव वृत्रहत्ये |
 तावासद्या बर्हिषि यज्ञे अस्मिन् चर्षणी मादयेथां सुतस्य || 5 ||
 प्र चर्षणिभ्यः पृतनाहवेषु प्र पृथिव्या रिरिचाथे दिवश्च |
 प्र सिन्धुभ्यः प्र गिरिभ्यो महित्वा प्रेन्द्राग्नी विश्वा भुवनात्यन्या || 6 ||
 आ भरतं शिक्षतं वज्रबाहू अस्माँ इन्द्राग्नी अवतं शचीभिः |
 इमे नु ते रश्मयः सूर्यस्य येभिः सपित्वं पितरो न आसन् || 7 ||
 पुरंदरा शिक्षतं वज्रहस्तास्माँ इन्द्राग्नी अवतं भरेषु |
 तन्नो मित्रो वरुणो मामहन्तामदितिः सिन्धुः पृथिवी उत द्यौः || 8 ||

(9)

110

(म.1, अनु.16)

ऋषिः कुत्सः आङ्गिरसः

छन्दः जगती 1-4,6-8, त्रिष्टुप् 5,9

देवता ऋभवः

ततं मे अपस्तदुं तायते पुनः स्वादिष्टा धीतिरुचथाय शस्यते |
 अयं समुद्र इह विश्वदैव्यः स्वाहाकृतस्य समुं तृष्णुत ऋभवः || 1 ||
 आभोगयं प्र यद्विच्छन्त एतनापाकाः प्राञ्चो मम के चिदापयः |
 सौधन्वनासश्चरितस्य भूमनागच्छत सवितुर्दाशुषो गृहम् || 2 ||
 तत्सविता वोऽमृतत्वमासुवदगोह्यं यच्छ्रवयन्त एतेन |
 त्यं चिञ्चमसमसुरस्य भक्षणमेकं सन्तमकणुता चतुर्वयम् || 3 ||
 विष्टी शमी तरणित्वेन वाघतो मर्तासुः सन्तो अमृतत्वमानशुः |

सौधन्वना ऋभवः सूरचक्षसः संवत्सरे समपृच्यन्त धीतिभिः	॥ 4 ॥
क्षेत्रमिव वि ममुस्तेर्जनेन एकं पात्रमृभवो जेहमानम्	
उपस्तुता उपमं नाधमाना अमर्त्येषु श्रवं इच्छमानाः	॥ 5 ॥
आ मनीषामन्तरिक्षस्य नृभ्यः स्रुचेव घृतं जुहवाम विद्वानां	
तरुणित्वा ये पितुरस्य सश्चिर ऋभवो वाजमरुहन्दिवो रजः	॥ 6 ॥
ऋभुर्न इन्द्रः शर्वसा नवीयानृभुर्वाजेभिर्वसुभिर्वसुर्दुदिः	
युष्माकं देवा अवसाहनि प्रियेभ्यो तिष्ठेम पृत्सुतीरसुन्वताम्	॥ 7 ॥
निश्चर्मण ऋभवो गार्मपिंशत् सं वत्सेनासृजता मातरं पुनः	
सौधन्वनासः स्वपुस्यया नरो जित्री युवाना पितराकृणोतन	॥ 8 ॥
वाजेभिर्नो वाजसातावविङ्क्यभुमां इन्द्र चित्रमा दर्षि राधः	
तन्नो मित्रो वरुणो मामहन्तामदितिः सिन्धुः पृथिवी उत द्यौः	॥ 9 ॥

(5)

111

(म.1, अनु.16)

ऋषिः कुत्सः आङ्गिरसः	छन्दः जगती 1-4 त्रिष्टुप् 5	देवता ऋभवः
----------------------	-----------------------------	------------

तक्षत्रथं सुवृतं विद्वानापसस्तक्षन्हरीं इन्द्रवाहा वृषण्वसू	
तक्षन्पितृभ्यामृभवो युवद्वयस्तक्षन्वत्साय मातरं सचाभुवम्	॥ 1 ॥
आ नो यज्ञाय तक्षत ऋभुमद्वयः क्रत्वे दक्षाय सुप्रजावतीमिषम्	
यथा क्षयाम् सर्ववीरया विशा तन्नः शर्धाय धासथा स्विन्द्रियम्	॥ 2 ॥
आ तक्षत सातिमस्मभ्यमृभवः सातिं रथाय सातिमर्वते नरः	
सातिं नो जैत्री सं महेत विश्वहा जामिमजामिं पृत्नासु सक्षणिम्	॥ 3 ॥
ऋभुक्षणमिन्द्रमा हुव ऊतयं ऋभून्वाजान्मरुतः सोमपीतये	
उभा मित्रावरुणा नूनमश्विना ते नो हिन्वन्तु सातये धिये जिषे	॥ 4 ॥
ऋभुर्भराय सं शिशातु सातिं समर्यजिद्वाजो अस्मां अविष्टु	
तन्नो मित्रो वरुणो मामहन्तामदितिः सिन्धुः पृथिवी उत द्यौः	॥ 5 ॥

(25)

112

(म.1, अनु.16)

ऋषिः कुत्सः आङ्गिरसः छन्दः जगती 1-23, त्रिष्टुप् 24-25 देवता द्यावापृथिव्यग्निश्चिनः 1, अश्विनौ 2-25
--

ईळे द्यावापृथिवी पूर्वचित्तयेऽग्निं घर्मं सुरुचं यामन्निष्टये	
याभिर्भरे कारमंशाय जिन्वथस्ताभिरू षु ऊतिभिरश्विना गतम्	॥ 1 ॥
युवोर्दानाय सुभरा असश्चतो रथमा तस्थुर्वचसं न मन्तवे	
याभिर्धियोऽवथः कर्मान्निष्टये ताभिरू षु ऊतिभिरश्विना गतम्	॥ 2 ॥
युवं तासां दिव्यस्य प्रशासने विशां क्षयथो अमृतस्य मज्जना	
याभिर्धेनुमस्वं पिवन्थो नरा ताभिरू षु ऊतिभिरश्विना गतम्	॥ 3 ॥

याभिः परिज्मा तनयस्य मज्मना द्विमाता तूर्षु त्रणिर्विभूषति	
याभिस्त्रिमन्तुरभवद्विचक्षणस्ताभिरू षु ऊतिभिरश्विना गतम्	॥ 4 ॥
याभी रेभं निवृतं सितमद्ध्य उद्वन्दनमैरयतं स्वदृशे	
याभिः कण्वं प्र सिषासन्तमावतं ताभिरू षु ऊतिभिरश्विना गतम्	॥ 5 ॥
याभिरन्तकं जसमानमारणे भुज्युं याभिरव्यथिभिर्जिज्न्वथुः	
याभिः कर्कन्धुं व्य्यं च जिन्वथस्ताभिरू षु ऊतिभिरश्विना गतम्	॥ 6 ॥
याभिः शुचन्ति धनसां सुषंसदं तप्तं घर्ममोम्यावन्तमत्रये	
याभिः पृश्निगुं पुरुकुत्समावतं ताभिरू षु ऊतिभिरश्विना गतम्	॥ 7 ॥
याभिः शचीभिर्वृषणा परावृजं प्रान्धं श्रोणं चक्षस् एतवे कृथः	
याभिर्वितिकां ग्रसिताममुञ्चतं ताभिरू षु ऊतिभिरश्विना गतम्	॥ 8 ॥
याभिः सिन्धुं मधुमन्तमसञ्चतं वसिष्ठं याभिरजरावजिन्वतम्	
याभिः कुत्सं श्रुतर्यं नर्यमावतं ताभिरू षु ऊतिभिरश्विना गतम्	॥ 9 ॥
याभिर्विशपलां धनसामथ्व्यं सहस्रमीळह आजावजिन्वतम्	
याभिर्वशमश्व्यं प्रेणिमावतं ताभिरू षु ऊतिभिरश्विना गतम्	॥ 10 ॥
याभिः सुदानू औशिजायं वणिजे दीर्घश्रवसे मधु कोशो अक्षरत्	
कक्षीवन्तं स्तोतारं याभिरावतं ताभिरू षु ऊतिभिरश्विना गतम्	॥ 11 ॥
याभी रसां क्षोदसोद्रः पिपिन्वथुरनश्वं याभी रथमावतं जिषे	
याभिस्त्रिशोकं उस्त्रिया उदाजत् ताभिरू षु ऊतिभिरश्विना गतम्	॥ 12 ॥
याभिः सूर्यं परियाथः परावति मन्धातारं क्षैत्रपत्येष्वावतम्	
याभिर्विप्रं प्र भ्रद्वाजमावतं ताभिरू षु ऊतिभिरश्विना गतम्	॥ 13 ॥
याभिर्महामतिथिग्वं कशोजुवं दिवोदासं शम्बरहत्य आवतम्	
याभिः पूभिद्यै त्रसदस्युमावतं ताभिरू षु ऊतिभिरश्विना गतम्	॥ 14 ॥
याभिर्वृष्टं विपिपानमुपस्तुतं कलिं याभिर्वित्तजानिं दुवस्यथः	
याभिर्व्यंश्वमुत् पृथिमावतं ताभिरू षु ऊतिभिरश्विना गतम्	॥ 15 ॥
याभिर्नरा शयवे याभिरत्रये याभिः पुरा मनवे गातुमीषथुः	
याभिः शारीराजतं स्यूमरश्मये ताभिरू षु ऊतिभिरश्विना गतम्	॥ 16 ॥
याभिः पठर्वा जठरस्य मज्मनाग्निर्नादीदैच्चित इद्धो अज्मन्ना	
याभिः शर्यातमवथो महाधने ताभिरू षु ऊतिभिरश्विना गतम्	॥ 17 ॥
याभिरङ्गिरो मनसा निरण्यथोऽग्रं गच्छथो विवरे गोअर्णसः	
याभिर्मनुं शूरमिषा समावतं ताभिरू षु ऊतिभिरश्विना गतम्	॥ 18 ॥
याभिः पत्नीर्विमदायं न्यूहथुरा घं वा याभिररुणीरशिक्षतम्	
याभिः सुदासं ऊहथुः सुदेव्यं ताभिरू षु ऊतिभिरश्विना गतम्	॥ 19 ॥
याभिः शंताती भवथो ददाशुषे भुज्युं याभिरवथो याभिरधिगुम्	
ओम्यावतीं सुभरामृतस्तुभं ताभिरू षु ऊतिभिरश्विना गतम्	॥ 20 ॥
याभिः कृशानुमसने दुवस्यथो जवे याभिर्यूनो अर्वन्तमावतम्	
मधु प्रियं भरथो यत्सुरङ्ग्यस्ताभिरू षु ऊतिभिरश्विना गतम्	॥ 21 ॥

याभिर्नरं गोषुयुधं नृषाह्ये क्षेत्रस्य साता तनयस्य जिन्वथः ।
याभी रथाँ अवथो याभिरर्वतस्ताभिरू षु ऊतिभिरश्विना गतम् ॥ 22 ॥
याभिः कुत्समार्जुनेयं शतक्रतू प्र तुर्वीति प्र च दुभीतिमावतम् ।
याभिर्ध्वसन्ति पुरुषन्तिमावतं ताभिरू षु ऊतिभिरश्विना गतम् ॥ 23 ॥
अप्रस्वतीमश्विना वाचमस्मे कृतं नो दस्त्रा वृषणा मनीषाम् ।
अघृत्येऽवसे नि ह्वये वां वृधे च नो भवतं वाजसातौ ॥ 24 ॥
द्युभिरक्तुभिः परि पातमस्मानरिष्टेभिरश्विना सौभगेभिः ।
तन्नो मित्रो वरुणो मामहन्तामदितिः सिन्धुः पृथिवी उत द्यौः ॥ 25 ॥

। इति प्रथमाष्टके सप्तमोऽध्यायः समाप्तः ।